

Inatsisartut aaliangiiffisassaattut siunnersuut, Naalakkersuisut peqquneqassasut kingusinnerpaamik UPA2017-mi allannguutissamik siunnersuuteqassasut, Kalaallit Nunaannut suliffissarsiortut killilersimaarnissaat pillugu Inatsisartut inatsisaanni § 6 imm. 3-mi, sulisitsisut atorfinitsitinissamik qinnuteqarnerisa kingorna ullut 14-it qaangiunneratigut kommune piffissap iluani aaliangiisimangippat, ingerlaannartumik atorfinitsitinnaanerup atorunnaarsinneqarnissaa pillugu. (Inatsisartunut ilaasortaq Per Rosing-Petersen, Partii Naleraq)

Akissuteqaat

(Inuussutissarsiordermut, Suliffeqarnermut, Niuernermut Nunanullu allanut Naalakkersuisoq)

Aappassaaneerera

Kalaallit Nunaanni suliffissarsiortut killilersimaarnissaat pillugu Inatsisartut inatsisaannik allannguutissaattut siunnersuummik suliaqarnermut atatillugu Naalakkersuisut sinnerlugit Inuussutissarsiordermut Ataatsimiititaliaq sulisimaneranut qutsavigaara.

Nunanut allanut suliassaqarfimmi sukaterinissamik Naalakkersuisut suliaqarnermik aallartererpaat ilaatigut avataaniit takkullutik suliarternissamut qinnuteqartut sullinneqartarnerisa pitsanngorsarneqarnissaannut periarfissanik misissuillutik. Naalakkersuisut maannakkorpiaq Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27 30. oktober 1992-imeersoq misissuataarlugu aallatinnikummasuk.

Suliniutit tamakku ilagaat nuna tamakkerlugu suliffissarsiortarnermi nittartagaq, www.suli.gl, ulloq 14. december 2015 aallartinneqartoq. Nittartagaq kommuninut kiisalu inuussutissarsiuteqartunut atugassaavoq Siuarsaaviit (suliffissanut, ilitsersuisarnernut pikkorissaqqinnernullu qitiusumik ingerlatsiviit) kiisalu suliffeqarfiit akornanni qanillisaasussaq.

Suliffissarsiortarnermi nittartakkamik pilersitsinermi atorfiit inuttassarsiuunneqartut pitsaanerusemik ingerlateqqinneqartarnissaat kiisalu eqaannerusemik aamma sunnuteqarnerusemik suliassanik suliarinnittarneq anguneqassammat. Avataannit suliartertut eqqarsaatigalugit atuutsitsilernissami suliniutit ilaattut maannakkut inatsisitigut piunasaqaataalissaaq suliffissarsiortunut tamanut suliffissarsiordermi nittartakkap qarasaassiakkut toqqorsivianut nalunaarsorsinnaangussammata taamaalillutik suliffeqarfiit sukkannerusemik naleqqunnerusemik sulisussaminnik nasaarsinnaaniassammata.

Nunanut allanut oqartussaaffiit tunngassuteqartut maanna danskit oqartussaasuinit Styrelsen for International Rekruttering og Integration-imit ingerlanneqartoq pillugu nunatsinnut utertinneqarnissaat maannakkut Naalakkersuisut sulissutigileruttorpaat.

Oqartussaaffimmik tigusinissaq pillugu suliaq UPA2017-imi saqqummiunneqassaaq.

Tamaattumik qulaani oqaaseqaatit tunngavigalugit Naalackersuisut inassutigaat,
Inuussutissarsiornermut Ataatsimiititaliap allannguutissatut siunnersuutaat tusaatissatut tiguaat